



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Decreta Edita in Synodo dioecesana sexta Mediolanensi.

urn:nbn:de:hbz:466:1-11399

Cautio & diligentia de cohabitatio-
nibus suspectis nomine coniugum.

Instructio dominorum officinarum.

Amotio, aut emendatio imaginum ob-
scenarum in œdibus laicorum.

Supplicationes frequentes vacante
parochiali Ecclesia, ex cura vicari-
toris.

Officium cum populo de solutione de-
cimarum.

Instituti introductio, de benedicen-
dis oblationibus quæ extra Missæ fa-
cerentur, ex præscripto libri sacerdo-
talis.

Executio decretorum de populi im-
modestia, & alijs abusibus tollendis in-
oblationibus: de puellis item nubilibus,

quibus ne ecclesiarum quidem nomine
elemosinam quærere permittatur.

Decretum indictionis Synodis VI.
futuræ.

SYNODVM VI. diœcesanam,
quam ex sacri Tridentini Concilij de-
creto, anno sequenti M. D. LXXVIII.
iuuante Christo Domino celebraturi
sumus, cum stata ea die, quam in decre-
to nostro diœcesano præscripsimus, ha-
bere non possimus ob Concilij provin-
cialis celebritatem, quod per nos indi-
ctum, in idem ferè tempus cadit; eam
indicimus futuram esse die duodecima
mensis Iunij eiusdem anni.

SYNODVS DIOECESANA MEDIOLANENSIS VI.

A Carolo S. R. E. Card. Tit. S. Præxedis Archiepiscopo.

Habita Anno à Chr. Nat. M. D. LXXIX.

GREGORIO XIII. PONTIFICE.



DECRETA quæ
in hac Synodo vj.
Archiepiscopus
consecit, per pau-
ca admodum sūt:
synodales actio-
nes ferè omnes
consumpsit gra-
uissimis concionibus pastoralibus: qui-
bus frequentissimum cleri conuentum
vehementer sanè accendit, cum ad om-
nem clericalis vitæ cultum, tum verò
ad sanctioris disciplinæ interioris insti-
tuta, quæ prodesse vidit ad maiores in
religiosè agendo progressiones. Quæ
verò literis mandata, & in hoc synodali
cœtu acta, de suggestu vt moris est, enun-
ciari voluit, hæc sunt.

DECRETA EDITA
in Synodo diœcesana sexta
Mediolanensi.

In nomine Sanctæ, & Individuæ Trini-
tatis, Patris, & Filij, & Spiritus
sancti. Amen.

Carolus. S. R. E. Presbyter Cardinalis
Tit. S. Præxedis, Archiepiscopus
Mediolani.

Decretum. I.



QUONIAM nihil ferè se-
pius diuinis literis com-
mendatum est, quam cle-
ricalis ordinis hominum
vitæ integritas, innocen-
tia, fides, religio, pietas, virtutumq; om-
nium ornamenta, quibus domus Dei po-
tissimum excolitur; ideo vos vniuersos
& sine

De modo vi-
uendi tem-
pore Syno-
di.

& singulos monemus, & per viscera misericordiz Dei nostri obtestamur, vt cum semper laicis hominibus omni virtutu splendore preluceatis, tum maxime hoc tempore ita vos geratis in verbo, in conuersatione, in charitate, quemadmodum Apostolus monet, vt [cum vos posuerit Deus in acquisitionem salutis, atque in edificationem;] officij vestri memores, in iustitia & sanctitate veritatis viuatis: sicque abstinentes ab omni specie mali, ambuletis dignè Deo, qui vocauit vos in suum regnum & gloriam.

Assidue, castè, pureque preces Deo adhibete.

Ad rei grauitatem attenti, cuius causam conuenitis, tota animi cogitatione, in eam incumbite.

Ad cauponas ne diuertite.

Nolite per plateas vagari, aut præcuriositate hac atque illac circumcurrere.

Ad synodalem sessionem stata horæ indicta sollicitè conuenite.

Nec verò raptim, sed graui incessu. Vbi conuenitis, loco constituto, superpellicea munda ac decentia, aut alias vestes, pro ecclesiastici beneficij ratione induite.

Decenter vos induti, ad statum sessionalem locum non turbulenter, sed quietè accedite.

Bini, quoad eius fieri potest, conuenite.

Ordine confidete.

Mane priusquam conueniatis, cibum ne capite, sed ieiuni adeste.

Ieiunium, quod in ecclesiasticis his actionibus olim institutum fuit, vt scribitis, hoc valde hortamur in Domino.

In loco autem benedictionis, quod est templum Dei, confidentes, ne vocibus obstrepite.

Ne tumultibus rem synodalem perturbate.

Ne confabulationibus operam date.

Ne è cancellis, intra quorum fines seculo diocesana habetur, exite: nisi absoluta sessione, aut necessaria de causa.

Cum autem exire necesse habetis; facultatem à Vicario generali petite: reuerfi ad eundem venite, antequam designato loco confideatis.

Sessione de more absoluta, ne rapine item turbulenterve discedite, sed grauitè, decoroq; incessu.

Hæc omnia seruate.

Cauete denique quæcunque & ecclesiasticæ disciplinæ, & synodalis actionis dignitati, & loci venerationi minime conueniunt.

Quoniam verò in huius synodi promotione nobis opus est ecclesiastici hominis adiumento, qui promotoris munus obeat; ideo constituimus & decernimus in hac nostra synodo diocesana sexta promotorem Reuerendum D. Octavianum Abbatem, I. V. D. Canonicum Ordinarium nostræ Metropolitanæ Ecclesiæ.

Si qui autem vestrum sunt, qui alicuius absentiam excusare velint, Vicarij nostrum generalem adeant, cui illius absentia rationem & causam afferant, atque probent.

Si qui verò querelas vel accusationes contra quempiam delaturi sunt, Vicarium nostrum in criminalibus conueniant.

Decretum. II.

VICARII foranei ad Vicecancellarium eorum nomina (si qui non detulerunt) deferant, qui in sui vicariatus finibus commorantes, in hac synodo præfentes ad sunt.

Syndici quoque portarum eisdem præfere (si minus præfiterint) de ijs qui intra hinc portæ suæ habitant, & huic diocesana synodo interesse debent; quò facilius cognosci liceat, qui præfentes non adfuerint.

Decretum. III.

DECERNIMVS, si cui contigerit, qui in hanc nostram synodum conuenit, suo loco non sedere, aut incedere, aut aliud quippiam agere, gerere: id propterea nemini ius acquiri, acquisitumve esse, neque quidquam de cuiusquam iure possessioneve detrahi: sed omnia in eo ipso statu permanere, in quo antequam hæc diocesana synodus haberetur, esse reperiebantur.

Decretum. IIII.

EDICIMVS quoque ac mandamus, vt in Missa omnes & singuli sacerdotes

Eorum qui synodo interesse debent, nomina deferenda.

De præfatis non actum.

Collecta Missæ & sacerdotum.

notes, orationem, aut collectam, quæ pro peccatorum venia postulanda dicitur, per septem dies deuotè recitent: idemque clerici pia oratione precentur. Quod vt populus etiã deuotè agat, suos quisq; parochus Christi fideles diligenter moneat, atque cohortetur.

Decretum. V.

De Synodi arden. dec. recipiendis, & profess. fidei præstanda. Sess. 25. dec. de refor. c. 2.

A SACRO SANCTA Tridentina synodo illud grauissimè sancitum est, vt quicumque vel hoc tempore, vel in posterum ecclesiastica beneficia obtinebunt, qui item in diœcesanam synodum conuenire debent; omnes in ea ipsa synodo, quæ primo quoque tempore celebrabitur, recipiãt oĩa & singula, quæcunque eodem Concilio Tridentino decreta & constituta sunt, reliquæque omnia præsent, quæ in sessione xxv. capite 11. enucleatè præscripta sunt.

Tit. de profess. fidei pag. 2.

Atque id ipsum quidem decretum Tridentinũ nos in Synodo prouinciali prima executi, fidei etiã professionem ex formula præstitimus, quã summus Pontifex Pius Quartus concepit & confecit. Vniuersos igitur & singulos, qui ecclesiastica beneficia obtinent, sacrisve ordinibus initiati sunt, iubemus ac præcipimus, omnia & singula, quæ in œcumenica illa sacra synodo decreta ac definita sunt, recipere, fidei que professionem ex Pontificia ea formula præstare: si modo aliàs id in synodo nunquam præstiterunt.

Decretum. VI.

De examinatorib. diligendis. Sess. 24. dec. de refor. c. 13.

SACRO Tridentino Concilio decretum & constitutum est, quotannis in diœcesanam synodum ab Episcopis viros aliquot idoneos referri debere; qui diligenti examinis ratione, de vita, moribus, doctrina eorum quærant, qui parochialium Ecclesiarum curationi præficiendi sunt.

Hoc igitur ipsum decretum nos exequi cupientes, animaduertentesque præ nostrã diœcesis amplitudine maiorem examinatorum numerum requiri; proponimus vobis hos venerabiles viros viginti tres, quorum nomina à Cancellario de suggestu pronuntiabuntur.

Ex ijs porrò omnibus illos deligi per

vos liceat, qui vobis & satisfaciant, & probati sint: ita scilicet, vt qui dimidiã partem suffragiorum, ab ijs qui ex compromisso vestro delecti sunt ad suffragandum, tulerint, hoc examinandi munus habeant, quousq; alia synodus diœcesana celebrabitur.

Decretum. VII.

SACRA item œcumenica & vniuersalis Tridentina Synodus iubet, aliquot viros, eosque tales deligi, quales Summus Pontifex Bonifacius Octauus sua constitutione præscripsit.

Qui & alioquin ad id apti & idonei constituantur, vt ipsis causæ ad forum ecclesiasticum pertinentes, in partibus delegandæ committantur.

Vt igitur illud ipsum Tridentinum decretum nos exequamur, vobis proponimus ac nominamus hos octo viros, quibus causæ delegentur; ita vt quatuor ex his suffragijs vestris pluribus designati, munus habeant eiusmodi causas iudicandi, quoad altera synodus habebitur.

Decretum. VIII.

VETVS est consuetudo sacrosanctis canonum decretis introducta, & decreto prouinciali communita, vt Synodis singulis diœcesanis, viri aliquot vita & moribus graues ac probati deligantur, qui animaduertant diligenter, an aliquid in vrbe & diœcesi sit, quod corrigi emendarive debeat: ac si quid tale cognouerint, id nobis, vel Vicario nostro generali, aut visitatoribus nostris significent; interrogati que de aliqua re quæ emendationem requirat, summa integritate referant.

Nos propterea vetus illud ac probatissimum institutum, & prouinciale decretum secuti, huic muneri proponimus ac nominamus hos viros, quos Cancellarius iussu nostro de suggestu, & in vrbe & in diœcesi testes synodales pronuntiabit.

Superiora proxima decreta, sunt in omni synodo quasi solennia; vt potè, quæ partim initio synodi, partim in sessione synodali, in qua de examinatoribus, de iudicibus delegatis, testibusq; synodalibus agitur, promulgari de more solent.

De Iudicio Synodalibus Sess. 25. dec. de refor. c. 10. cap. statutũ de ege. ser. in 6.

De Testibus Synod. diligendis. Prou. 4. tit. de Test. Synod. pa. 179.

De-

Decretum. IX.

De lita-
narum in-
structionū,
& memoria-
lis ab eccle-
siasticis ha-
bendus.

OMNES & singuli sacerdotes at-
que clerici, librum Litaniarum nuper
iussu nostro editum mensis spatio sibi
comparent.

Quod ut planè præstetur, id Visitatores
nostri, & Vicarij foranei efficiant om-
nino.

Idem etiam de libro instructionum iā-
diu in lucem edito sancimus.

Hoc ipsum constituimus de libro, quem
præcipuè ad perpetuò retinendam me-
moriā beneficii, quod in peste mirabi-
liter extincta ciuitas & diocesis Medio-
lanensis à Dei misericordia accepit, nos
confecimus, in lucemque propterea edi-
uimus.

Decretum. X.

Decima So-
minario at-
tributa ad
medietate
redacta.
Sess. 23. dec.
de refor. c.
38.
Fron. i. tit.
de scm. pag.
23.

IAMPRIDEM Concilij Tridenti-
ni auctoritate, vniuersis singulisque
beneficijs ecclesiasticis vrbis & diocē-
sis nostræ Mediolanensis certam fructuū
portionem seminario soluendam impo-
sumus.

Nunc verò cum & beneficiorum eccle-
siasticorum, quæ eidem seminario adiu-
ximus accessione, & alia præterea ra-
tione illius census auctus sit; æquum ef-
se statuimus (vt in eodem etiam Tri-
dentino, prouinciali que Concilio decer-
nitur) pro ratione accessionis factæ, one-
re cōtributionis ea beneficia quibus il-
lud impositum fuit, leuare.

Itaque de consilio Deputatorum eiusdē
seminarij, illam fructuum portionem,
quam iampridem in ipsa seminarij in-
stitutione atque erectione imposuimus,
hoc decreto ad mediam illius summæ
partem redigimus.

Decretum. XI.

SYNODVM diocesanam septi-
mam, quam ex sacri Tridentini Conci-
lij decreto, anno sequenti M. D. LXXX.
iuuante Christo Domino celebraturi
sumus, ad decreti nostri diocæsani præ-
scriptum indicimus & significamus fa-
turam esse eodem anno, die scilicet vige-
simo mensis Aprilis.

Indictio sy-
nodi iun-
ris.

SYNODVS DIOECESANA MEDIOLANENSIS VII.

Quam Carolus S. R. E. Presbyter Cardinalis Tit. S. Præcedis
Archiepiscopus.

Habit Anno à Chr. natiu. M. D. LXXX.

GREGORIO XIII. PONTIFICE.



N hac Synodo de
more promulgata
sunt Concilia Pro-
uincialia duo, nem-
pe quartū, & quin-
tum. Qua in pro-
rogatione synoda-
li penè triduū con-

sumptum est: ideo nullum temporis spa-
rium relictum fuit alijs decretis diocē-
sanis vel conficiendis vel euulgandis.
Verum Archiepiscopus concionibus,

quas quatuor in frequentissimo Cleri
synodalis conuentu habuit, de toto ec-
clesiasticæ disciplinæ genere ita expli-
cate, atque adeo vberimè disseruit, vt
fermè omnium constitutionum synoda-
lium instar illa esse queant. Et quo-
niam hac ipsa synodo primū, syno-
dalis disciplinæ modus præscriptus est
certa tabella: hic apponi eam non alic-
uius esse iudicauimus.

D E